



**O‘ZBEKISTON RESPUBLIKASI YOSHLAR SIYOSATI VA SPORT VAZIRLIGI HUZURIDAGI
YOSHLAR ISHLARI AGENTLIGI DIREKTORINING
BUYRUG‘I**

20 23 -yil 27 - mart

01-10/57 -son

**O‘zbekiston Respublikasi Vazirlar Mahkamasining 2023-yil 23-martdagi
122-son qarori ijrosini ta’minlash haqida**

O‘zbekiston Respublikasi Vazirlar Mahkamasining “Nogironligi bo‘lgan shaxsning va tarkibida nogironligi bo‘lgan shaxs bor oilaning elektron onlayn-auksion orqali yer uchastkasini sotib olish bilan bog‘liq xarajatlarini qoplab berish tartibi to‘g‘risidagi nizomni tasdiqlash haqida” 2023-yil 23-martdagi 122-son qarorida belgilangan vazifalar ijrosini o‘z vaqtida va sifatli ta’minlash maqsadida

BUYURAMAN:

1. O‘zbekiston Respublikasi Vazirlar Mahkamasining “Nogironligi bo‘lgan shaxsning va tarkibida nogironligi bo‘lgan shaxs bor oilaning elektron onlayn-auksion orqali yer uchastkasini sotib olish bilan bog‘liq harajatlarini qoplab berish tartibi to‘g‘risidagi nizomni tasdiqlash haqida” 2023-yil 23-martdagi 122-son qarori (keyingi o‘rinlarda – qaror) ma’lumot va ijro uchun qabul qilinsin.

2. Qarorga muvofiq:

Elektron onlayn-auksion orqali yer uchastkasini sotib olish xarajatlaridan kelib chiqan holda, oila tarkibidagi nogironligi bo‘lgan shaxslar sonidan qat’iy nazar, bazaviy hisoblash miqdorining 100 baravarigacha miqdorda bir martalik moddiy yordam ajratilishi;

Bunda elektron onlayn-auksion orqali yer uchastkasini sotib olish xarajatlari miqdori bazaviy hisoblash miqdorining 100 baravarigacha bo‘lganda to‘liq, xarajatlar miqdori ushbu chegaradan yuqori bo‘lgan hollarda esa xarajatlarning bazaviy hisoblash miqdorining 100 baravarigacha bo‘lgan qismi qoplab berilishi;

imtiyozli toifadagi shaxslarning elektron onlayn-auksion orqali yer uchastkasini sotib olish bilan bog‘liq xarajatlar “Ayollar daftari”ga kiritilgan shaxslar uchun - “Ayollar daftari” jamgarmasidan, “Yoshlar daftari”ga kiritilgan shaxslar uchun - “Yoshlar daftari” jamgarmasidan, “Temir daftar”ga kiritilgan shaxslar uchun - “Saxovat va ko‘mak” jamg‘armasi hisobidan tegishli mazkur jamg‘armalar faoliyatini muvofislashtiruvchi tashkilotlar tomonidan moliyalashtirilishi;

Yoshlar ishlari agentligining tuman (shahar) bo'limi boshliqlari nogironligi bo'lgan shaxsning va tarkibida nogironligi bo'lgan shaxs bor oilaning elektron onlayn-auksion orqali yer uchastkasini sotib olish bilan bog'liq harajatlarini qoplab berish tartibi to'g'risidagi murojaatlarni ko'rib chiqish va hal etish komissiyasi tartibiga kiritilgani ma'lumot uchun qabul qilinsin.

3. Yoshlar ishlari agentligi:

Ijtimoiy himoyaga muhtoj yoshlar bilan ishlash bo'limi (U.Sultonov)ga Agentlikning tuman (shahar) bo'limlari bilan birgalikda ushbu qarorning mohiyati va ahamiyatini nogironligi bo'lgan yoshlarga tushuntirilishini ta'minlash;

tuman (shahar) bo'limi boshliqlariga komissiya tarkibida ishtirok etib, qarorga muvofiq yer uchastkasini sotib olish bilan bog'liq xarajatlarni "Yoshlar daftari" jamg'armasi hisobidan to'lash masalasini belgilangan tartibda hal etish vazifasi yuklansin.

4. Ushbu buyruq ijrosini nazorat qilish Agentlik direktori o'rinbosari D.Kattaxanova zimmasiga yuklansin.

Direktor



A. Sa'dullayev



O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 23» mart № 122

Toshkent sh.

Ногиронлиги бўлган шахснинг ва таркибида ногиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тартиби тўғрисидаги низомни тасдиқлаш ҳақида

“Ер муносабатларида тенглик ва шаффофликни таъминлаш, ерга бўлган ҳуқуқларни ишончли ҳимоя қилиш ва уларни бозор активига айлантириш тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги ҳамда “Ногиронлиги бўлган шахсларнинг ҳуқуқлари тўғрисида”ги Ўзбекистон Республикаси Қонунларига мувофиқ Вазирлар Маҳкамаси қарор қилади:

1. “Ногиронлиги бўлган шахсларнинг ҳуқуқлари тўғрисида”ги Ўзбекистон Республикаси Қонунининг 22-моддасида ногиронлиги бўлган шахсларнинг ва ўз таркибида ногиронлиги бўлган шахс бор оилаларнинг электрон онлайн-аукционлар воситасида ер участкаларини сотиб олиш билан боғлиқ харажатларининг ўрни Вазирлар Маҳкамаси томонидан белгиланган тартибда қопланиши назарда тутилганлиги маълумот учун қабул қилинсин.

2. Қуйидагиларни назарда тутувчи Ногиронлиги бўлган шахснинг ва таркибида ногиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тартиби тўғрисидаги низом иловага мувофиқ тасдиқлансин:

электрон онлайн-аукцион орқали ер участкасини сотиб олган ногиронлиги бўлган шахсга ва таркибида ногиронлиги бўлган шахс бор оилага (кейинги ўринларда – имтиёзли тоифадаги шахслар) бир марталик моддий ёрдам кўрсатиш;

имтиёзли тоифадаги шахсларнинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тартиби ва молиялаштириш манбалари;

имтиёзли тоифадаги шахсларнинг мурожаатларини туманларда (шаҳарларда) ташкил этиладиган Комиссия томонидан кўриб чиқиш;

электрон онлайн-аукцион орқали ер участкасини сотиб олган **имтиёзли тоифадаги шахслар рўйхатини шакллантириш ва юритиш.**

2. Белгилаб қўйилсинки, электрон онлайн-аукцион орқали ер участкасини сотиб олиш харажатларидан келиб чиққан ҳолда, оила таркибидаги ногиронлиги бўлган шахслар сонидан қатъи назар, **базавий ҳисоблаш миқдорининг 100 бараваригача** миқдорда бир марталик моддий ёрдам ажратилади.

Бунда электрон онлайн-аукцион орқали ер участкасини сотиб олиш харажатлари миқдори **базавий ҳисоблаш миқдорининг 100 бараваригача** бўлганда тўлиқ, харажатлар миқдори ушбу чегарадан юқори бўлган ҳолларда эса харажатларнинг **базавий ҳисоблаш миқдорининг 100 бараваригача** бўлган қисми қоплаб берилади.

3. Белгилансинки, имтиёзли тоифадаги шахсларнинг электрон онлайн-аукцион орқали ер участкасини сотиб олиш билан боғлиқ харажатлари:

“Аёллар дафтари”га киритилган шахслар учун – **“Аёллар дафтари” жамғармаси;**

“Ёшлар дафтари”га киритилган шахслар учун – **“Ёшлар дафтари” жамғармаси;**

“Темир дафтар”га киритилган шахслар учун – **“Саховат ва кўмак” жамғармаси** ҳисобидан тегишлича мазкур жамғармалар фаолиятини мувофиқлаштирувчи ташкилотлар томонидан молиялаштирилади.

4. Ўзбекистон Республикаси Адлия вазирлиги Рақамли технологиялар вазирлиги билан биргаликда **2023 йил 1 июнга қадар** имтиёзли тоифадаги шахсларнинг электрон онлайн-аукцион орқали ер участкасини сотиб олиш, шунингдек, сотиб олиш билан боғлиқ харажатларни қоплаб бериш жараёнларини Ягона интерактив давлат хизматлари портали орқали амалга ошириш бўйича Вазирлар Маҳкамасига таклиф киритсин.

Бунда Ўзбекистон Республикаси Иқтисодиёт ва молия вазирлиги, Камбағалликни қисқартириш ва бандлик вазирлиги, Давлат активларини бошқариш агентлиги, Иқтисодиёт ва молия вазирлиги ҳузуридаги Кадастр агентлиги маълумотлар базаларининг ахборот тизимлари Ягона интерактив давлат хизматлари порталига интеграция қилиниши назарда тутилсин.

5. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

имтиёзли тоифадаги шахсларнинг электрон онлайн-аукцион орқали ер участкасини сотиб олиш харажатларини қоплаш учун зарур маблағлар ўз вақтида ажратиб борилишини;

бир ҳафта муддатда Ногиронлиги бўлган шахснинг ва таркибида ногиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш комиссияси таркибининг тасдиқланишини таъминласин.

6. Ўзбекистон Республикаси Камбағалликни қисқартириш ва бандлик вазирлиги ҳамда Иқтисодиёт ва молия вазирлиги:

манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин;

Ўзбекистон Миллий ахборот агентлиги ва Ўзбекистон Миллий телерадиокомпанияси билан биргаликда мазкур қарорнинг мазмун-моҳиятини оммавий ахборот воситаларида мунтазам ва кенг ёритиб борсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Қўчқоров ҳамда Ўзбекистон Республикаси камбағалликни қисқартириш ва бандлик вазири Б.А. Мусаев зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2023 йил “23” мартдаги 122-сон қарорига
илова

**Ногиронлиги бўлган шахснинг ва таркибида ногоиронлиги
бўлган шахс бор оиланинг электрон онлайн-аукцион орқали
ер участкасини сотиб олиш билан боғлиқ харажатларини
қоплаб бериш тартиби тўғрисида
НИЗОМ**

1-боб. Умумий қоидалар

1. Ушбу Низом ногоиронлиги бўлган шахснинг ва таркибида ногоиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тартибини белгилайди.

2. Ушбу Низомда қуйидаги асосий тушунчалар қўлланилади:

ногоиронлиги бўлган шахс ва таркибида ногоиронлиги бўлган шахс бор оила (кейинги ўринларда – имтиёзли тоифадаги шахслар) – қонунчилик ҳужжатларида белгиланган тартибда тиббий-ижтимоий эксперт комиссиялари томонидан экспертиза натижалари бўйича ногоиронлиги бўлган шахс деб топилган фуқаролар ва таркибида ногоиронлиги бўлган шахс бор оилалар;

ер участкаси – ер фондининг қайд этилган чегарага, майдонга, жойлашиш манзилига, ҳуқуқий режимга ҳамда давлат ер кадастрида акс эттириладиган бошқа хусусиятларига эга бўлган қисми;

электрон онлайн-аукцион (кейинги ўринларда – аукцион) – ер участкасини сотиб олиш бўйича аукцион ташкил этиш ва ўтказиш учун зарур ахборотни киритиш, сақлаш, қайта ишлаш, шунингдек, истаги бўлган имтиёзли тоифадаги шахснинг бундай аукционга кириш (қатнашиш) имконини таъминлайдиган ахборот тизими;

ер участкасини сотиб олиш билан боғлиқ харажатларни қоплаб бериш (кейинги ўринларда – бир марталик тўлов) – имтиёзли тоифадаги шахсларнинг аукцион орқали ер участкасини сотиб олиш билан боғлиқ харажатларини қоплаш учун тегишлича “Саховат ва кўмак”, “Аёллар дафтари” ва “Ёшлар дафтари” жамғармалари ҳисобидан ушбу жамғармалар фаолиятини мувофиқлаштирувчи ташкилотлар томонидан бир марталик тўловларни амалга ошириш;

комиссия – туманда (шаҳарда) ногоиронлиги бўлган шахснинг ва таркибида ногоиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тартибидидаги мувофиқлаштирувчи ташкилотлар томонидан бир марталик тўловларни қоплаб бериш тўғрисидаги мувофиқ намунавий таркибда шакллантириладиган ҳамда тегишли туман (шаҳар) ҳокими қарори билан тасдиқланадиган комиссия.

3. Имтиёзли тоифадаги шахсларга бир марталик тўлов:

“Аёллар дафтари”га киритилган имтиёзли тоифадаги шахслар учун – “Аёллар дафтари” жамғармаси ҳисобидан;

“Ёшлар дафтари”га киритилган имтиёзли тоифадаги шахслар учун – “Ёшлар дафтари” жамғармаси ҳисобидан;

“Темир дафтар”га киритилган шахслар учун – “Саховат ва кўмак” жамғармаси ҳисобидан тегишлича мазкур жамғармалар фаолиятини мувофиқлаштирувчи ташкилотлар томонидан молиялаштирилади.

4. Бир марталик тўлов ер участкасини аукцион орқали сотиб олиш харажатларидан келиб чиққан ҳолда, оиласи таркибида ногиронлиги бўлган шахслар сонидан қатъи назар, **базавий ҳисоблаш миқдорининг 100 бараваригача** миқдорда ажратилади.

Бунда ер участкасини аукцион орқали сотиб олиш харажатлари миқдори **базавий ҳисоблаш миқдорининг 100 бараваригача** бўлганда тўлиқ, харажатлар миқдори ушбу чегарадан юқори бўлган ҳолларда эса харажатларнинг **базавий ҳисоблаш миқдорининг 100 бараваригача** бўлган қисми қоплаб берилади.

5. Бир марталик тўлов ҳар бир имтиёзли тоифадаги шахсга молиявий ёрдам сифатида бир марта тўлаб берилади.

6. Имтиёзли тоифадаги шахсларнинг аукцион орқали ер участкасини сотиб олиш билан боғлиқ харажатлари ушбу Низомга 2-иловадаги схемага мувофиқ қоплаб берилади.

2-боб. Имтиёзли тоифадаги шахсларга бир марталик тўловни амалга ошириш тартиби

7. Имтиёзли тоифадаги шахсларга бир марталик тўловни амалга ошириш комиссия томонидан кўриб чиқилади.

Туман (шаҳар) камбағалликни қисқартириш ва бандлик бўлими комиссия ишчи органи (кейинги ўринларда – Комиссия ишчи органи) ҳисобланади.

8. Бир марталик тўловни амалга ошириш учун имтиёзли тоифадаги шахслар қуйидаги мезонларга мувофиқ келиши керак:

охирги 12 ой давомида ўзи ёки оила аъзолари номида яшаш учун мўлжалланган турар жойи ёки ер участкаси мавжуд бўлмаслиги;

ер участкаси охирги уч ой ичида аукцион орқали харид қилинган ва Ўзбекистон Республикаси ҳудудида бўлиши;

қонунчилик ҳужжатларида белгиланган тартибда тиббий-ижтимоий эксперт комиссиялари томонидан экспертиза натижалари бўйича ногиронлиги бўлган шахс деб топилган, шунингдек, тегишлилиги бўйича “Темир дафтар”, “Аёллар дафтари”, “Ёшлар дафтари”нинг бирида турган бўлиши.

9. Имтиёзли тоифадаги шахслар аукцион орқали ер участкаси сотиб олгандан бошлаб **уч ой ичида** сотиб олиш билан боғлиқ харажатни қоплаб бериш юзасидан ўз худудидаги **Комиссия ишчи органига ушбу Низомга 3-иловадаги шаклда ариза билан мурожаат қилади.**

Ушбу бандда кўрсатилган муддатдан (уч ой) кечикиб берилган аризалар кўриб чиқилмайди.

10. Имтиёзли тоифадаги шахслар аризага ер участкаси аукцион орқали сотиб олинганлиги тасдиқловчи ҳужжатлар нусхасини илова қилиш керак.

11. Комиссия ишчи органи ҳисобот ойининг 20-санасига қадар:

бир марталик тўлов юзасидан ариза билан мурожаат қилган имтиёзли тоифадаги шахсларнинг рўйхатини шакллантиради;

бир марталик тўлов юзасидан мурожаат қилган имтиёзли тоифадаги шахсларнинг аризаси ва ушбу Низомнинг 10-бандида назарда тутилган ҳужжатларни илова қилган ҳолда шакллантирилган рўйхатни комиссияга тақдим этади.

12. Комиссия ҳисобот ойининг 25-санасига қадар:

а) имтиёзли тоифадаги шахсларнинг ушбу Низомнинг 8-бандида назарда тутилган мезонларга мувофиқлигини ўрганади.

Бунда:

имтиёзли тоифадаги шахсларнинг ўн икки ой давомида ўзи ёки оила аъзолари номида яшаш учун мўлжалланган турар жойи ёки ер участкаси мавжуд эмаслиги мезонига мувофиқлиги Ўзбекистон Республикаси Иқтисодиёт ва молия вазирлиги ҳузуридаги Кадастр агентлиги туман (шаҳар) бўлими томонидан;

шахснинг ногиронлик ҳолати туман (шаҳар) камбағалликни қисқартириш ва бандлик бўлими томонидан;

оила таркибида ногиронлиги бўлган шахс борлиги туман (шаҳар) Фуқаролик ҳолати далолатномаларини ёзиш органи томонидан аниқланади;

б) имтиёзли тоифадаги шахслар учун бир марталик тўловни молиялаштириш манбаи қуйидаги тартибда аниқлаштирилади:

“Аёллар дафтари” ва “Ёшлар дафтари”га киритилган имтиёзли тоифадаги шахслар учун тегишлича “Аёллар дафтари” ва “Ёшлар дафтари” жамғармалари ҳисобидан;

“Темир дафтар”га киритилган шахслар учун “Саховат ва кўмак” жамғармаси ҳисобидан;

в) “Аёллар дафтари”, “Ёшлар дафтари” ва “Темир дафтар”га киритилмаган имтиёзли тоифадаги шахсларни мувофиқлиги бўйича улардан бирига киритиш чораларини кўради ҳамда мазкур банднинг “б” кичик бандига мувофиқ молиялаштириш манбаини аниқлайди.

Бунда “Аёллар дафтари”, “Ёшлар дафтари” ва “Темир дафтар”дан бирига киритилиши лозим бўлган имтиёзли тоифадаги шахсларнинг аризаларини кўриб чиқиш кейинги ҳисобот ойига қадар кечиктирилиши мумкин;

г) ўрганиш жараёнида имтиёзли тоифадаги шахслар тўғрисидаги маълумотларга аниқлик киритиш мақсадида тегишли ташкилотлардан зарур маълумотлар сўраб олинishi мумкин;

д) имтиёзли тоифадаги шахсларга бир марталик тўловни амалга ошириш масаласини Комиссия аъзоларининг умумий йиғилишида кўриб чиқади ҳамда “Аёллар дафтари”, “Ёшлар дафтари” ва “Саховат ва кўмак” жамғармалари ҳисобидан маблағлар ажратиш мақсадида молиялаштириш манбаини кўрсатган ҳолда, имтиёзли тоифадаги шахслар рўйхатини тегишлилиги бўйича “Аёллар дафтари” ва “Ёшлар дафтари” жамғармасининг Васийлик кенгашлари ҳамда халқ депутатлари туман (шаҳар) Кенгашига киритади.

13. Ўрганиш натижаларига кўра имтиёзли тоифадаги шахсларнинг маълумотлари бўйича ушбу Низомнинг 8-бандида назарда тутилган мезонларга номувофиқлик (шу жумладан, тегишли ташкилотлардан аниқлик киритиш мақсадида олинган маълумотлар асосида) аниқланган тақдирда, Комиссия томонидан бир марталик тўловни ажратиш рад этилади ҳамда бу ҳақда **уч иш кунида** имтиёзли тоифадаги шахсларга ёзма хабарнома юборилади.

3-боб. Комиссия фаолиятини ташкил этиш

14. Комиссия доимий фаолият юритади ҳамда унинг аъзолари жамоатчилик асосида ишлайди.

15. Комиссия ўз ваколатларига тегишли масалаларни Комиссия раиси бошчилигида зарур ҳолларда ўтказиладиган йиғилишларда кўриб чиқади.

16. Комиссия раиси:

комиссиянинг умумий фаолиятига раҳбарлик қилади, унинг иш режаси бажарилиши юзасидан доимий назоратни амалга оширади;

комиссиянинг йиғилишларини чақиради ва уларда раислик қилади;

комиссия ваколатига тегишли бўлган масалаларни унинг йиғилишларида кўриб чиқиш учун киритади;

комиссия қарорларини тасдиқлайди.

17. Комиссия котиби:

комиссия раисининг топшириқларига асосан унинг аъзоларини комиссия йиғилишининг ўтказиладиган жойи, вақти ва санаси тўғрисида хабардор қилади;

комиссия иш режаларини тайёрлайди;

комиссия баённомаларини юритади ва тасдиқланган баённомаларни комиссия аъзоларига юборади;

комиссия далолатномалари ва хулосаларини манзилларга етказди;

комиссия иш юритувини таъминлайди.

18. Комиссиянинг барча йиғилишлари баённома билан расмийлаштирилади ва қарор шаклида қабул қилинади.

19. Комиссия ишининг ташкилий шакли йиғилиш ҳисобланади.

Комиссия йиғилишлари унинг аъзоларининг рўйхатдаги таркибининг камида учдан икки қисми қатнашган тақдирда ўтказилади.

Комиссия йиғилишлари видеоконференцалоқа шаклида ҳам ўтказилиши мумкин.

20. Комиссия ҳужжатлари туман (шаҳар) камбағалликни қисқартириш ва бандлик бўлимларида белгиланган муддатгача сақланади.

4-боб. Имтиёзли тоифадаги шахсларга бир марталик тўловни амалга ошириш тартиби

21. Имтиёзли тоифадаги шахсларга бир марталик тўлов ушбу Низомнинг 3-бандида кўрсатилган манбалар ҳисобидан амалга оширилади.

22. Комиссия томонидан киритилган рўйхат асосида “Аёллар дафтари” ва “Ёшлар дафтари” жамғармасининг Васийлик кенгашлари ҳамда халқ депутатлари туман (шаҳар) Кенгаши ҳисобот ойининг 30-санасига қадар тегишлилиги бўйича “Аёллар дафтари”, “Ёшлар дафтари” ва “Саховат ва кўмак” жамғармалари ҳисобидан имтиёзли тоифадаги шахсларга бир марталик тўлов учун маблағлар ажратиш тўғрисида белгиланган тартибда қарор қабул қилади.

23. Туман (шаҳар) ҳокимлиги “Аёллар дафтари” ва “Ёшлар дафтари” жамғармасининг Васийлик кенгаши ёхуд халқ депутатлари туман (шаҳар) Кенгашининг қарорига мувофиқ беш иш кунида “Аёллар дафтари” ва “Ёшлар дафтари” жамғармасининг Васийлик кенгашлари ҳамда халқ депутатлари туман (шаҳар) Кенгашининг тегишли қарорлари асосида имтиёзли тоифадаги шахсларнинг аризасида кўрсатилган банк пластик ҳисобварағига маблағ ўтказилишини таъминлайди.

24. Комиссия икки иш кунида бир марталик тўлов ўтказиб берилганлиги ҳақида ҳар бир имтиёзли тоифадаги шахсга ёзма хабарнома юборади.

5-боб. Яқунловчи қоидалар

25. Имтиёзли тоифадаги шахслар ушбу Низом талабларининг бажарилиши учун масъул давлат органлари ва бошқа ташкилотлар ходимларининг хатти-ҳаракатлари (ҳаракатсизлиги) юзасидан қонунчилик ҳужжатларида белгиланган тартибда шикоят қилиши мумкин.

26. Ўзбекистон Республикаси Иқтисодиёт ва молия вазирлиги ҳузуридаги Давлат молиявий назорати инспекцияси ушбу Низом доирасида ажратилган маблағлар мақсадли сарфланишини назорат қилади.

27. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Ногиронлиги бўлган шахснинг ва таркибида
ногиронлиги бўлган шахс бор оиланинг электрон
онлайн-аукцион орқали ер участкасини сотиб олиш
билан боғлиқ харажатларини қоплаб бериш
тартиби тўғрисидаги низомга
1-илова

**Ногиронлиги бўлган шахснинг ва таркибида ногиронлиги бўлган шахс
бор оиланинг электрон онлайн-аукцион орқали ер участкасини сотиб
олиш билан боғлиқ харажатларини қоплаб бериш тартиби тўғрисидаги
мувожаатларни кўриб чиқиш ва ҳал этиш комиссиясининг**

НАМУНАВИЙ ТАРКИБИ

1. *Лавозимига кўра* – туман (шаҳар) ҳокими, *комиссия раиси*
2. *Лавозимига кўра* – туман (шаҳар) ҳокимининг биринчи ўринбосари,
комиссия раиси ўринбосари
3. *Лавозимига кўра* – туман (шаҳар) ҳокимининг ўринбосари
4. *Лавозимига кўра* – туман (шаҳар) ҳокимининг ўринбосари
5. *Лавозимига кўра* – туман (шаҳар) иқтисодиёт ва молия бўлими
бошлиғи
6. *Лавозимига кўра* – туман (шаҳар) адлия бўлими бошлиғи
7. *Лавозимига кўра* – туман (шаҳар) ҳокимлигининг турар жойлар
билан ишлаш бўлими бошлиғи
8. *Лавозимига кўра* – Иқтисодиёт ва молия вазирлиги ҳузуридаги
Кадастр агентлигининг туман (шаҳар) бўлими
бошлиғи
9. *Лавозимига кўра* – Ёшлар сиёсати ва спорт вазирлиги ҳузуридаги
Ёшлар ишлари агентлигининг туман (шаҳар)
бўлими бошлиғи
10. *Лавозимига кўра* – туман (шаҳар) камбағалликни қисқартириш
ва бандлик бўлим бошлиғи, *комиссия масъул
котиби*

Изоҳ. *Комиссия аъзоси бошқа ишга ўтган тақдирда, унинг таркибига ушбу лавозимга
янги тайинланган ёки тегишли функцияларни бажариш зиммасига юкланган шахслар
киритилади.*

Ногиронлиги бўлган шахснинг ва таркибида
ногиронлиги бўлган шахс бор оиланинг электрон
онлайн-аукцион орқали ер участкасини сотиб олиш
билан боғлиқ харажатларини қоплаб бериш
тартиби тўғрисидаги низомга
2-илова

**Ногиронлиги бўлган шахснинг ва таркибида ногиронлиги бўлган шахс
бор оиланинг электрон онлайн-аукцион орқали ер участкасини
сотиб олиш билан боғлиқ харажатларини қоплаб бериш
СХЕМАСИ**

Босқичлар	Субъектлар	Тадбирлар	Ижро муддати
1-босқич	Ногиронлиги бўлган шахс ва таркибида ногиронлиги бўлган шахс бор оиланинг аъзоси (кейинги ўринларда – имтиёзли тоифадаги шахслар)	Электрон онлайн-аукцион воситаси орқали сотиб олинган ер участкаси харажатларини қоплаб бериш юзасидан ўз ҳудудида ташкил этилган Ногиронлиги бўлган шахснинг ва таркибида ногиронлиги бўлган шахс бор оиланинг электрон онлайн-аукцион орқали ер участкасини сотиб олиш билан боғлиқ харажатларини қоплаб бериш тўғрисидаги мурожаатларни кўриб чиқиш ва ҳал этиш комиссиясига (кейинги ўринларда – Комиссия) ариза билан мурожаат қилади.	Ўз хоҳишига кўра уч ой ичида
2-босқич	Туман (шаҳар) камбағалликни қисқартириш ва бандлик бўлими - Комиссия ишчи органи	Бир марталик тўлов юзасидан ариза билан мурожаат қилган имтиёзли тоифадаги шахсларнинг рўйхатини шакллантиради. Бир марталик тўлов юзасидан мурожаат қилган имтиёзли тоифадаги шахсларнинг аризасини ва тегишли ҳужжатларни илова қилган ҳолда шакллантирилган рўйхатни Комиссиясига тақдим этади.	Ҳар ойнинг 20-санасига қадар

Босқичлар	Субъектлар	Тадбирлар	Ижро муддати
3-босқич	Комиссия	<p>Рўйхат бўйича имтиёзли тоифадаги шахсларнинг мезонларга мувофиқлигини ўрганиб чиқади ҳамда молиялаштириш манбаини аниқлайди.</p> <p>Бир марталик тўлов ажратиш мақсадида молиялаштириш манбаини кўрсатган ҳолда, имтиёзли тоифадаги шахслар рўйхатини тегишлилиги бўйича “Аёллар дафтари” ва “Ёшлар дафтари” жамғармасининг Васийлик кенгашлари ҳамда халқ депутатлари туман (шаҳар) Кенгашига киритади.</p>	Ҳар ойнинг 25-санасига қадар
4-босқич	“Аёллар дафтари” ва “Ёшлар дафтари” жамғармасининг Васийлик кенгашлари ҳамда халқ депутатлари туман (шаҳар) Кенгаши	“Аёллар дафтари”, “Ёшлар дафтари” ва “Саховат ва кўмак” жамғармалари ҳисобидан имтиёзли тоифадаги шахсларга бир марталик тўлов учун маблағлар ажратиш тўғрисида навбатдаги йиғилишларда белгиланган тартибда қарорлар қабул қилади.	Ҳар ойнинг 30-санасига қадар
5-босқич	Туман (шаҳар) ҳокимлиги	“Аёллар дафтари” ва “Ёшлар дафтари” жамғармаларининг Васийлик кенгашлари ҳамда “Саховат ва кўмак” жамғармаси бўйича халқ депутатлари туман (шаҳар) Кенгаши қарорларига мувофиқ “Аёллар дафтари”, “Ёшлар дафтари” ва “Саховат ва кўмак” жамғармалари ҳисобидан имтиёзли тоифадаги шахсларга бир марталик тўловни уларнинг банк пластик ҳисобварағига ўтказилишини таъминлайди.	5 иш кунида
6-босқич	Комиссия	Бир марталик тўлов ўтказиб берилганлиги ҳақида ҳар бир имтиёзли тоифадаги шахсга ёзма хабарнома юборади.	2 иш кунида

Ногиронлиги бўлган шахснинг ва таркибида
ногиронлиги бўлган шахс бор оиланинг электрон
онлайн-аукцион орқали ер участкасини сотиб олиш
билан боғлиқ харажатларини қоплаб бериш
тартиби тўғрисидаги низомга
3-илова

НАМУНАВИЙ АРИЗА

1. _____
фамилияси *исми* *отасининг исми*

2. Манзил:

_____ *МФЙ (ҚФЙ) номи* _____ *туман (шаҳар) номи* _____ *ҳудуд номи*

3. Ариза берувчининг шахсий идентификация рақами (ЖШШИР):

4. Ўзининг ёки оиласи таркибида ногиронлиги бўлган шахснинг ЖШШИРи:

5. Банк пластик карта ҳисобварағи:

_____, ____/____

6. Электрон онлайн-аукцион орқали сотиб олинган ер участкасининг нархи:

_____ млн сўм

7. Боғланиш учун маълумот:

тел: _____

электрон.почта _____

_____ имзо

_____ ариза берилган сана

